

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ  
ՀԱՐԿԱՅԻՆ ԵՎ ՄԱՔՍԱՅԻՆ ՄԱՐՄԻՆՆԵՐԻ ԲՈՂՈՔԱՐԿՄԱՆ  
ՀԱՆՁՆԱԺՈՂՈՎ**

**ՈՐՈՇՈՒՄ N 4/49**

ք.Երևան

26 հունվարի 2024թ.

Հայաստանի Հանրապետության պետական եկամուտների կոմիտեի հարկային և մաքսային մարմինների բողոքարկման հանձնաժողովը (այսուհետ նաև՝ Հանձնաժողով), քննության առնելով ՀՀ ՊԵԿ Հյուսիսային մաքսատուն-վարչության «Վարչական տույժ նշանակելու մասին» 20.04.2023թ. թիվ 500 որոշման դեմ ֆիզիկական անձ Կարեն Գոմցյանի դիմում-բողոքը՝

**ՊԱՐԶԵՑ**

Ֆիզիկական անձ Կարեն Գոմցյանը ներկայացրել է դիմում-բողոք՝ ՀՀ ՊԵԿ Հյուսիսային մաքսատուն-վարչության «Վարչական տույժ նշանակելու մասին» 20.04.2023թ. թիվ 500 որոշումը վերացնելու և տուգանքից ազատելու վերաբերյալ: Հայտնել է, որ ներմուծված ավտոմեքենան նույն օրը տեղափոխվել է Արցախի Հանրապետություն: Քանի որ 12.12.2022թ.-ից Արցախի Հանրապետությունը գտնվել է շրջափակման մեջ, 19.09.2023թ.-ին պատերազմի ժամանակ վիրավորվել է, ժամանակին չի արտահանել մեքենան ՀՀ-ից:

«Մաքսային ծառայության մասին» Հայաստանի Հանրապետության օրենքի 37-րդ հոդվածի համաձայն՝ մաքսային մարմնի ընդունած և ուժի մեջ մտած անհատական իրավական ակտը կարող է բողոքարկվել այն ուժի մեջ մտնելու օրվանից, իսկ մաքսային ծառայողի գործողությունները կամ անգործությունը՝ այն կատարելու կամ ցուցաբերելու օրվանից երկու ամսվա ընթացքում:

Մաքսային մարմնի բողոքարկման հանձնաժողովն ընդունում է դիմում-բողոքի քննարկման վարույթը կարճելու մասին համապատասխան գրավոր որոշում, եթե դիմում-բողոքը ներկայացվել է նույն հոդվածով սահմանված ժամկետի ավարտից հետո:

Տվյալ դեպքում ՀՀ ՊԵԿ Հյուսիսային մաքսատուն-վարչության «Վարչական տույժ նշանակելու մասին» 20.04.2023թ. թիվ 500 որոշումը հրապարակվել է Հայաստանի Հանրապետության հրապարակային ծանուցումների պաշտոնական ինտերնետային կայքում 26.04.2023թ.-ին, իսկ դիմում-բողոքը ներկայացվել է 09.01.2024թ.-ին՝ ՀՀ օրենսդրությամբ նախատեսված երկամսյա ժամկետի խախտմամբ:

Հետևապես, ղեկավարվելով վերը նշված իրավանորմերի դրույթներով՝ դիմում-բողոքի հիման վրա հարուցված վարչական վարույթը ենթակա է կարճման:

Ելնելով քննարկման արդյունքներից և ղեկավարվելով Հայաստանի Հանրապետության հարկային օրենսգրքի 20-րդ բաժնով, «Մաքսային ծառայության մասին» Հայաստանի Հանրապետության օրենքի 37-րդ հոդվածով, Հանձնաժողովը


## **ՈՐՈՇՈՒՄ Է՝**

ՀՀ ՊԵԿ Հյուսիսային մաքսատուն-վարչության «Վարչական տույժ նշանակելու մասին» 20.04.2023թ. թիվ 500 որոշման դեմ ֆիզիկական անձ Կարեն Գոմցյանի դիմում-բողոքի քննարկման վարույթը կարճել:

Սույն որոշումն ուժի մեջ է մտնում իրազեկելուն հաջորդող օրվանից:

Սույն որոշմանը չհամաձայնվելու դեպքում այն ուժի մեջ մտնելու օրվանից երկու ամսվա ընթացքում կարող է բողոքարկվել դատարան:

## **ՀԱՆՁՆԱԺՈՂՈՎԻ ՆԱԽԱԳԱՀ**



**ԿԱՐԵՆ ԹԱՄԱԶՅԱՆ**